



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ioannis Ioviani Pontani amorum libri II.

Pontano, Giovanni Gioviano

Venetiis, 1518

Tumulus Infantuli bis mortui & nunquam editi.

urn:nbn:de:hbz:466:1-13534

Orpheus diripuere. lyram iecere per undas.
Meq; uehunc amnes, me maris unda uehit.
Illa ego proceras summis e montibus ornos
Quae traxi, et rigidas post mea plectra feras,
Quae potui Stygium cantu mollire tyrannum
Tristificum flectens in mea uota canem,
Illa ego Threicias fugio miseranda cohortes.
Me dea me tacito me me age conde sinu.
En properant, dumq; ipsa loquor, me fila relinquunt.
Plectra cadunt. o' me me pectore conde tuo.
Illa querebatur. Thresiae properare cohortes.
Nec mora, quae fuerat iam lyra, factus olor.
Excita nam lacrimis nati properabat ad Hebrum,
Flebat et attonito Calliopea gradu.
Vtq; lyram, et chordas uidit sine honore fluentes,
Me miseram, hec nati sunt monumenta mei.
Iuppiter exclamat, misero sueturre nepoti.
Me me Amimallonidum me petit ecce manus.
Haecine avus pateris? uix haec. de flumine cycnus
Euolat, et niueus per uada cantat olor.
Forma petit cœlum. cœlo micat aurea. plectrum
Mansit humi, mater quod studiosa legit.
Condit et in templo. tituli simul addit honorem
Threiciae hic sita sunt plectra superba lyræ.
Parnasus tenet haec, Casto Parnasus in antro
Seruat, et incolumi stant ueneranda fide.

INFANT VLI bis mortui, et nunquam editi.
Mortuus ipse bis, at nunquam editus inferor urnæ,
Nam semel extincta matre quidem morior.

8 T V M V L O R V M
Mox utero matris cæso diuellor, & infans.
Rursum obeo. infelix nomine q̄ carco.

HARMOSYNE S puellæ Neapolitanæ.

Harmosyne iacet hic. fractos quos aspicis arcus,
Et sparsos crines, atq; sine igne faces,
Arcus fregit amor. Charites sparsere capillos.
Extinxitq; suas ipsa Erycina faces.
Quæ tumulo increuit Laurus, myrtiq; rosæq;
Pieridum è lacrimis noueris esse satus,
Harmosyne extincta est, sensusq; extinctus amandū.
Nemo amat, & numen desijt esse venus.
Infelix quid agas uates? i, desere coetum,
Et pete inhumanis lustra habitata feris.
Frange lyram, contemne deos, lucemq; perosus
Noctem ama, & à somnis gaudia posce nigris.

I A C O B I Solimæi medici Salernitani.
Musas inuocat ad exequias.

Quæ liquidos Silari fontes, quæq; arua Salerni
Irrigua, & doctis tecta habitata uiris,
Quæ Lauros nymphæ Aonides, Peneida syluam,
Amphrysi & colitis nota in amore uada,
Ne Musæ, ne Pierides, dum condimus umbram,
Pæonio abnuite carmina uestra seni.
Non succi tibi defuerant Solimæe, nec herbæ,
Quæq; docent Coi scripta probata uiri.
Et tamen ut de plebe aliquis, de sorde togata.
Ocidis, & uili contumulare solo.